

նասենցն կերաք և անտի ի Մղսոնցն: Թագէտոսն¹⁾ օրս
զնաց ի սիլա:

Եւ առաւօտուս Բշի (22 Դեկտ.) ձայնեաց Հոգե-
ւորտէրն զԺողովուրդս մեր եկեղեցոյն, որք յայլ ե-
կեղեցիսն երթալին և ոչ երթալին ի Սուրբ Սարգիս
վասն չարութեան արանցն այնոցիկ, զսոսա ձայնեաց
Հոգեւորտէրն մինչև արանց Լից ընտրելագոյն իշխա-
նաց, և եղ աթոռակալ զՀաճի Աբաուլան և եամախ
զՂազարն և երէցփոխան զՍատէթ պալին և եամախ
զՄուղսի Պողոսն, և զայլս ի վերայ կարգեաց սոցա՝
մի հօտ և մի հովիւ լինելով ամենեցուն: Եւ երեկոյիս
զնացաք ի ժամ ի Սուրբ Սարգիս ամենայն ժողովըր-
դովք և արարաք նախատօնակ Դաւթայ մարգարէին
և Յակոբայ Տեառնեղբօրն:

Եւ առաւօտուս (23 Դեկտ.) արար պատարագ Տէր
Թորոսն յէտրէնու, զոր և զսա եղ կաթողիկոսն ժա-
մարար եկեղեցոյն մեր, և զՆոխուտի տղան հանեց:
Եւ օրս զհացն ի Մղսոնցն կերաք, Մալրամն ևս անդ
էր Պալատցին:

Օրս մեծ տիւան արարեալ Տաճկացն և պատաս-
խանի տվեալ դեսպանին Պարսից, զի ելեալ զնասցէ
առ տէրն իւր:

Ուրբաթ (26 Դեկտ.) ճէպէճի և թօփշի և սպա-
հիք և ոչ լեալ եէնկիչէրիք ընդ սոցա, այլ ասացեալ
բանիւ թէ եմք ընդ ձեզ. և նոքա լեալ մի ամբօխ և
զնացեալ ի դուռ վէզիբին թէ Թագաւորն զպատե-
րագմի թուղն թո՛ղ հանէ. և վէզիբն ասացեալ թէ
Դո՛ւք էք վէքիւ թագաւորին որ զայդ ասէք. և սոքա
ի լուռ լեալ. զսոսա արհամարհէ մեծաւ նախատանօք,
և սոքա դառնան՝ թէ այլ մեծ ամբօխ կապեն և զինչ
ևս կամին զայն արասցեն, որպէս յաւուրս Իփշիբին

1) Թաթէոսն.